

湖南府縣志輯

十國地方志集成

乾隆平江縣志
同治平江縣志(一)

K296.1
10
5

中國地方志集成

湖南府縣志輯 ⑧

乾隆平江縣志

同治平江縣志(一)

江蘇古籍出版社●上海書店●巴蜀書社

增修平江

史鑑為資治之書

邑吏治所資

志乘之為

論天下

勢而

在於

此上利弊指掌

一因或

志序

濫焉况史鑑見

一之第

府亦必以州邑

乘採徵

志乘之作

平

志乘自

國初來歷任纂修皆弗

乾隆癸亥

開局復修竣矣而尚俟考

訂攜藁未刊庚午壬申文

成兩蒙委視平篆雖為期

甚短然念志闕掌藏時殷

補緝之想去臘復以庖代

奉檄來平夙願務酬爰以

志序

二

文卷取開局後官紳氏等

營繕措施與士庶雜呈乘

春祀餘閒手為彙冊函齎

通守隨於入省面請丹鉛

始終載筆通守每定一藁

輒商

文成

俾叅末議總所

論撰以示一統加領

皇言以存舊章外贅附考中間
為目輿圖事紀全志起收
擘畫經綸胥於此寓星野
而下若沿草山川疆域但
即輿圖溯天文分地脉著

志序

厥源流次之城池公署次
之學校祀典均輿地創建
而保民表位明倫事神義
疊以行於是而厚生則賦
役積貯物產盈虛劑量之
有其術也於是而正德則

志序

風俗儀禮奢儉訓飭之有
其規也受此而牧者為秩
官而名宦以崇之兵防則
其武者毓此而秀者為選
舉而人物以珍之列女則
其內者他如寺觀宅其幽

古蹟傳其勝藝文觀其言
論而聽其歌謠二十四目
訖於事紀緒餘未竟襍志
竟之夫平之為邑當幕阜
之麓雄深阻固江西湖北
交錯犬牙週遭六七百里

室廬櫛比畝澮鱗差人衆
情繁事會盤錯誠由邑之
所急而稽志之所詳智畧
猷為古今輻輳以云吏治
亦庶幾於是而備矣

文成

三蒞此都懼無以報

志序

五

聖恩而遵

憲訓兢兢惟吏治之圖思取
資於志乘而陞令通守先
得我心所同然懷藁十二
年遷調頻仍不懈其排纘
之力相與增續考訂授梓

告成既以為吏治之資亦
以豫

策府之採而仰維我

朝煥巍謨烈淪浹深仁以平山
陬簡帙恭陳欽熙庶績百
年吏治沐浴陶成一邑而

志序

六

然例之天下州邑莫不其
然然則志乘在

隆盛之代身見堯舜稽首颺
言又豈徒取資之謂且更
非史鑑盱衡往昔之所得
而同孰云州邑掌藏可任

其闕抑或菲薄體裁漫等
稗官之記載哉文成喜志
之竣夙願以酬也聊書鄙
見於卷端
乾隆二十年歲次乙亥中
元節前二日署平江縣事

桐城石文成謹序并書



平江縣志序
志文事也故作志必文人
以仲玩謏陋何敢言志然
曩者嘗為當事作惠州長
寧府縣二志矣見夫前之
作者盡文人也而侈於文

序記詩章居所志十之七
山川亦必題詠之蹟人物
亦必風雅之林或誇淹博
於禽魚或恣詆諧於鬼恠
統全志之旨大率以文為
歸外此無三致意焉心竊

疑之爰求古本得楊少宰
起元惠志於脈望灰中雖
簡斷篇殘而治亂災祥忠
孝廉節財賦登耗營建廢
興溯委窮源旨歸猶約畧
可識蓋不如所見之但侈

於文仲玩於是揭其旨歸
以成二志而自是作志之
難遂常陽々於方寸矣

今上乾隆辛酉之歲仲玩由常
寧調令平江取平志無之
吏以邑人抄刺進與曩所

覽惠州長寧志繁簡又覺
懸殊夫平望邑也志願若
是欽癸亥春簿書稍閒則
與邑之紳士商議纂脩官
任增刪推舉才而德者分
司採訪既設局授之筆札

俾以見聞陸續開呈維時
仲玩審案公出奔走省郡
之間刻無暇晷隨攜局稿
輯之館舍舟車朝暮數條
每竟一端重加論次而是
歲之臘仲玩又奉

題調衡陽部覆欽依移劇有
日乃彙全稿竭蹶告成為
志二十三為圖紀各一冠
以

皇言綴之附改為卷二十有七
其中質而寡文知貽文人

志序

四

之誚惟是治亂災祥忠孝
廉節財賦登耗營建廢興
曩所揭旨歸於惠州長寧
二志者今者於平無非此
義庶幾政教攸繫上備
輶軒之採次供典故之藏而

志序

五

所見心疑惕々方寸亦異
於茲免焉耳抑仲坑於茲
更有為平慮者宋元世遠
無徵矣粵稽前明以來邑
志纂脩鮮能終局秉筆令
長非遷擢則解組更代頻
仍豈發洩精華山靈所忌
耶不然何脩而中罷數百
載若同符致使冒濫潛滋
爭稱遺帙紛然莫可究詰
也然則是役也局開而官
調猶然往轍堪虞惟仲坑

以惕々方寸不懈此衷務
俾傳信而在局才德勦事
維勤最著者如鍾紳興誥
之存舊聞唐紳允是之言
公道彭生其位溯沿革而
綜古今之變唐生文理歷

疆域而探山水之源其彭
生昌鳳童生先及既廣蒐
羅於前復嚴校對於後是
以勞而克濟厥功以收倘
撤局半塗則麕筆迭起前
車之監寧第所云文人之

侈文而已哉今仲坑捧檄
行泛蒸湘不獲三復編摩
經理剗剗念此終年寒暑
與平紳士共費心血得有
成書且紀在

盛朝雖百里莫匪同風之盛鋪

揚熙皞作之尤難謹要其
旨歸臚其巔末為後之君
子告若夫起例發凡叅同
考異經緯事目備在簡篇
覽者評定茲不自文
乾隆八年歲次癸亥臘八

日文林郎知平江縣事紀
錄二次陽春謝仲坑謹序



志序

八

增修記畧

邑志自乾隆癸亥中春開局發凡起例從
在局紳士所長分類授編彙稿既齊適予
有衡陽之調則於未奉檄前併力纂刪是
臘趣裝志亦告竣焉然雖粗有成書尚俟
考訂故未付梓而亦不忍棄捐仍攜笥中
公餘筆削越一歲予解綬閒居

岳陽太守休寧黃公聘修岳志平為岳屬

記畧

深幸攜行之稿可藉折衷維時尹平者鉛
山楊君亦手書相勗并云邑有義紳梨棗
助之又越歲岳志就緒平志乃次第討論
甫及半功而予復被

召匆遽入都楚旋視篆營道治劇衡山嗣以擢
倅苗疆攝戎溪洞南登北走僕、刑錢笥
中之帙無復寸陰餘閒得一檢覈矣前三
四年旅寓會城平尹如蘓君陸君皆先後

尚函以稿當開雕惟節年人地事宜須再增續願予始終其成時予方啣恤東歸此事詎能有任今春服闋從粵來楚欽遵

諭旨請咨

入覲平之紳士詣省而求謂此志一邑見聞百年典故乞必增續發刊以垂來茲署尹桐城石君且以公牘附齋冊卷取便勾稽夫以紳士之踴躍如彼石君之誠切如此予

記畧

二

忝茲土舊吏又何敢固辭爰遲行期謝絕賓客除凡例志目悉如前稿外其秩官選舉宦賢風蹟及諸所建置政教科條迭出者益之遷隸者移之撤罷者朽壞者依類而縷注之有因照竄而動及上下全文者有因添補而叅及前後並見者此緣增續為有事而亦有不緣增續字句斟酌改易其初者蓋舉全志而通考訂之每定一篇

悉與石君商榷郵筒往復互出心裁而曩時預局諸君已半凋謝惟彭童二子終事校讐凡五閱晦朔乃鋟板訖事統開局之始計之則轉折銓次歷一紀十二年而後成所云作志之難難固若斯哉志之大旨昔有序言今不再序但記其增修節畧俾知非旦夕所為庶重厥掌藏毋貽缺毀後之紹此役者亦不致輕視云乾隆二十年

記畧

三

歲次乙亥孟秋七夕前永順府通判陽春謝仲坑筮軒氏謹書

明隆慶已巳舊志序

隆慶戊辰冬予卿命出憲楚岳甫閱月屬邑平江尹夏子子諒謁予於公署持所錄邑乘八卷乞予爲序且曰茲太翁起泉公手澤也子諒蒞邑以來卽有志於茲而莫可爲據偶於邑縉紳舊家得翁墨本讀之叙斷法戒潤演而栗考究編摩續密以博忻然愜素懷焉然又以時易勢殊或有行於昔而沮於今宜於今而悖於前者爰延邑獻暨庠諸生叅酌考訂錄成將鳩工授梓矣緣太翁未竟之業試一言以承先志可乎予受而潸然注下如眩

平江縣志

舊序

一

如癡久之拭淚以語曰嗟嗟文之顯晦豈亦有數哉先君子自嘉靖辛丑博平江倬邑之典章無稽乃與邑宰士卽子萬瓊余子大淳等謀之共成此志時予方弱冠日夕侍鉛槧知先君子誠苦心矣煥以移官晉陽業未竟就詎意迄今三十載得夏子而始成之顧先君子手澤幸不終淹而邑之大典後世之成憲係焉敢謂遠可傳哉雖然志者記也記其已往以冀其將來者也是故秩官有表選舉有表讀秩官者寧無稱塞之思乎讀選舉者寧無壯行之思乎封域有志則山川風俗日在也寧

無豪傑之興乎賦役有志則輸將盈縮具在也寧

無民隱之慮乎名宦人物有傳則先民往哲具在

也寧無尚友之志乎引而伸之觸類而長之隻字

片言皆吾取益之地也否則徒聞其文藝焉耳徒

考其事跡焉耳譬勝崇巒者羨其輝覽春妍者采

其華而夜光秋實莫之悉焉抑左矣故苟可以彰

軌政之善物也是烏可後之昔孔子歎夏殷之禮

能言而謂杞宋無徵以文獻之不足今是編也討

論修飾夏子暨諸大夫之功居多况邇來雋髦彬

彬輩出固一時之獻也後之達人大觀庸心典章

平江縣志

舊序

二

者并取而徵之亦豈非傳舊之一助也耶隆慶三

年已巳春孟望日湖廣按察司僉事奉勅整飭上

汀防兵備道監察御史蜀瀘李准觀

隆慶舊志又序

憲使賓吾李公予同志友也一日馳使澧中以新

成平江志示予且曰此先君子博平江時遺筆也

君其爲我序之時予方與諸生論學亟暗未竟輒

歎曰讀斯志也可以知仁孝之道焉小子謹之諸

生曰志以記事事以傳信惟文獻是徵而曰仁孝

者何也曰夫勳有必先意有必至精神所注微而

必彰文士爲文雖出入典墳上下屈宋採英擷奇馳騁不可方物而其志之所存當理與否卒不能過於具眼之觀焉何者其文可工其神不可得而掩也歐陽公讀李翱文其中與語雄辭爲世所奇者皆一無所取而獨取幽懷賦以爲憂天下之所爲至歎息不已恨不與之同時然則古人之所重於文者豈惟其文而已哉今讀起泉先生之志平江也開卷而語曰錄其治安以志民樂也錄其亂危以志民苦也且欲以一邑而側觀天下嗟乎厚哉其仁民之志之所發乎假令先生得志大行則

平江縣志

舊序

三

豈肯忘天下之憂樂而私其身圖者哉先生爲博士僅遷一令而未究厥施是故托之文焉以見志則是編之微可識矣志之所載若品核之精文質之精不具論論其大者如秩官選舉記也而衡鑑之權存焉封域建設賦役記也而經濟之畧存焉名宦人物記也而賢哲之思存焉其事要其義微而其究皆歸於政教之實益無非憂天下者之所爲乎予從賓吾公得聞先生爲人好古而博雅信達而樂於施仁則先生之所以踐諸身而措之辭者固有所自矣雖然先生之志之得以明於天下

後世者則有賓吾公爲之子也賓吾公忠誠直毅爲御史則讜論表於朝瑞爲僉憲則洪猷沛於澤國舉凡先生之有是志而未究所施者則已繼述恢弘之而其托之文焉以自見者亦已措諸行事若凡其彰明較著矣是志也創於嘉靖辛丑距今凡三十禩而未及梓傳使不得賓吾公纘緒而成之豈不湮晦遺亡使先生苦心歸於空華幻夢而已哉然則祇成先德以爲永世之圖使後之人見其書而思其義先生仁民之志得托之以垂諸無窮者則賓吾公之所以孝於其親而因以施及於

平江縣志

舊序

四

民者也故曰是志也可以觀仁孝之道焉諸生恍然曰吾師之言偉哉是可以與此志並傳矣遂書以序之隆慶辛未仲夏端陽日太中大夫湖廣布政司右叅政前工科都給事中四明馮成能

崇正庚辰舊志序

歲在庚辰月臨春仲不佞豹從信州遷跡昌江維時舊令入覲去而蒼水林堂翁尚未經借寇卽同寅海瀛馮君亦未有臨師迪諸矜獨六虛王君傾蓋相依寒釴共對泊如也居無何君出昌江邑乘示予曰此先年陶令君所修以病去未獲卒業茲

卷帙猶存散落殊多蒙上臺屢索卒無以應今請採輯而梓焉何如予拜手曰此一邑文獻所徵正守先待後之寄修之不容緩矣然君不任之誰復任之君於是旁搜廣詢悉力較讐卽尋暑不輟爰授饗殮登諸梨棗閱三月而事竣漫漶者補遺佚者收亥豕者訂犁然周詳煥然明備遂爲一邑不朽完書雖藉闕本開其端哉而殫力捐俸集其大成凡今之所爲者蓋甚難耳雖然君意更有屬焉誠見夫昌雖僻處實亦巖邑財賦卽不甲一郡而非彈黑者也幕阜連雲三峰九曲山川之攢簇非

平江縣志

舊序

五

不秀特也道未墜地文固在茲凡與於斯文者多英尤敏異又非不人人自比管樂家家多有董賈也然而功名鼎盛邇來稍不逮前何也豈誠責在人事抑造物之鍾靈產異不大聚則不大發庸知夫今日者非天之儲而蓄之久而大之使天下第一流文章事業一時鵬徙蟬聯有以大煥山川圖史之光乎然則是志也先達如在之英爽於是焉式憑後來休嘉之偉業於是乎光烈焉已君所以不遺餘力以克全其美者其有挾先後之精神以俱動者也如僅曰考其軼事問其風土集諸已往

傳信將來猶是典故中糟粕耳君意固不止於是而徵文徵獻者可毋徒作是觀也予不敏藉光樂觀厥成若先覺有屬各世其誰尚庶幾旦暮遇崛起之人哉崇正十三年庚辰秋八月之吉岳州府平江縣儒學教諭金谿胡文豹

平江縣志

舊序

六

不秀特也道未墜地文固在茲凡與於斯文者多英尤敏異又非不人人自比管樂家家多有董賈也然而功名鼎盛邇來稍不逮前何也豈誠責在人事抑造物之鍾靈產異不大聚則不大發庸知夫今日者非天之儲而蓄之久而大之使天下第一流文章事業一時鵬徙蟬聯有以大煥山川圖史之光乎然則是志也先達如在之英爽於是焉式憑後來休嘉之偉業於是乎光烈焉已君所以不遺餘力以克全其美者其有挾先後之精神以俱動者也如僅曰考其軼事問其風土集諸已往

平江縣志凡例十條

一志與史異史主作而志主述故考據必本之史
鑑一統志通志府志本縣舊志岳陽風土記而旁
叅以諸家記載其制度一遵 大清會典及節年
文案無稽者勿錄

一舊志惟弘治刻本紀載得實且本諸元志見聞
最古今志考據多資於此崇正以後志載混雜半
出無徵抄刻志本所載大畧襲乎崇正之舊但近
事亦必參考二志惟嚴加採擇謬者正之

一志首重體裁次論文法舊志似未暇及此故款

平江縣志

凡例

一 日不倫記叙無緒今事沿其舊而體裁則參酌前
輩各手志例凡爲 皇言圖紀志考總目二十有
七全非舊篇其篇中纂叙亦大非舊文惟取整齊
貫串成一邑之載籍云爾

一志以稽古今之跡楚南州邑志多載今而不及
古夫事有源委不溯其源莫詳其委况監前善後
準古所以酌今茲每志必原其事之所從始揆代
順叙無考者注明冀使來茲折衷有藉

一志以紀政治驗風土表宦賢厥文雖繁大旨要
歸於此近來秉筆文人每侈山水之勝誇吟詠之

工宦賢寥寥數語而政治風土則以爲俗務概從
其畧似非志乘善本茲惟以上數者爲歸其無裨
補吏民者寧畧

一志乘乃古今紀載之詞且雍正八年欽奉

世宗皇帝諭旨纂輯茲篇內所叙遵照省志例雖風
憲大吏亦書官書名蓋上對

朝廷下對天下役世而書之非一人之私筆也惟後

論屬作者之言乃有推尊稱謂

一宦賢節孝今例非奉 題允不得入祀茲於舊

志所載未定例之前在祀者照舊立傳其定例以

平江縣志

凡例

二

後悉遵例行惟宦蹟賢聲苦節婦女不可泯沒者
別爲附傳以俟公評若現任之宦現存之賢例不
附傳非虞末路亦避嫌也

一史有闕文志亦猶是疑者闕之然疑而勿益亦
不徑刪更以示慎邑志濫於崇正以後迨近日抄
本踵謬尤多茲於強冒者辨之其濫增無關緊要
者刪之至如人地事蹟傳說已久雖摘出篇外仍
附查考亦郭公夏五不徑從刪之意

一藝文亦以取徵政治表揚忠孝間及山水幽勝
其寺觀碑記唱酬詠吟與邑人所傳他地風蹟雖

佳勿錄至舊志地封詰勅官階通用之文例難獨載私居堂記應載家譜難混志篇又見他志藝文動盈數卷竟同選古之集亦非志體茲故勿濫

一志本開局於乾隆癸亥仲春歲臘而竣稿越今乙亥再加考訂增續又五閱月而授梓廣徵典籍勤搜文卷博詢老成稿凡數更而後定挂漏承訛咎所不免惟是其難其慎絕無瞻徇庶幾取信來茲增補未逮

平江縣志

凡例

三

平江縣志纂修姓氏

原纂官

調任平江縣知縣謝仲坑

增修官

署平江縣知縣事石文成

校閱官

平江縣教諭蔣先豐

平江縣訓導王觀

原管局官

平江縣典史李綸

平江縣志

姓氏

今督刊官

平江縣典史蘇以泰

平江縣長壽司巡檢郭千桓

分採

邑歲貢原任邵陽縣訓導鍾興訓

邑歲貢原任寧遠縣教諭鍾興誥

邑舉人今任湘潭縣教諭鍾頴

邑進士朱慶旦

邑舉人彭昌鳳

邑歲貢唐先是

邑	歲	貢唐文理
邑	生	員彭其位
邑	生	員黃大成
邑	廩	生童先及
分理局務		
邑	貢	生張禮文
邑	監	生陳德行
邑	監	生周永道
核算賦役		
邑	吏	員張元
平江縣志	姓氏	二
助梓		
邑	貢	生李先采

平江縣志目錄	
卷首	皇言
卷之一	輿圖
卷之二	星野
卷之三	沿革
卷之四	山川 附陂塘 魚埠
卷之五	疆域 附橋渡
卷之六	城池 附街巷
卷之七	公署 附監獄 養濟院 育嬰堂 惠民局 表坊雜建
卷之八	學校 附社學 義學 大誥學
卷之九	